

國

策

地

名

考

國策地名考卷八

欽 程恩澤 纂

儀徵阮芸臺先生鑒定 涇陽 狄子奇 箋

魯山 張宗泰 訂

趙上

原注初分晉得趙國北有信都真定常山中山又得涿
郡之高陽鄴州鄉東有廣平鉅鹿清河河間渤海之東
平舒中邑文安東州成平章武河以北南至浮水繁陽
內黃斥邱西有太原定襄雲中五原上黨張氏琦曰代
雁門二郡亦屬趙自今直隸廣平順德正定河間保定

深冀和定晉蔚等府州及大名之磁州南樂山東之臨

清恩縣河南之臨漳內黃武安涉縣山西之遼沁趙城

石樓以北兼有陝西之榆林府河套等地恩澤案趙羸

姓與秦同祖蜚廉四世至造父始封趙城今山西平陽

府趙城縣通志以趙都趙城遷於平棘為今直隸趙州似誤又七世至叔帶自

周適晉又五世至趙夙邑於耿今絳州河津縣成子居

原即故原國今河南懷慶府濟源縣西北十五里簡子居晉

陽今山西太原府太原縣獻侯治中牟今河南彰德府

湯陰縣洪志繫河南中牟下非是後復居晉陽肅侯徙都邯鄲按竹書及

地理志俱作敬侯徙邯鄲胡三省曰成侯二十二年魏克邯鄲三十四年魏歸邯鄲成侯敬侯子也若敬侯已

都邯鄲安有魏克其國都而不亡
者蓋肅侯三年趙始都邯鄲也
今直隸廣平府邯鄲

縣自趙夙後九世至籍爲諸侯又八世至王遷爲秦所
滅 初學記三家分晉自澤潞而南至衛州盡太原已
北屬趙史記正義趙東隣燕齊西邊秦樓煩南界韓魏
北迫匈奴地理通釋趙居邯鄲燕之南齊之西魏之北
韓之東故韓非曰中央之國

晉陽

秦策張儀說秦王曰章智伯帥三國之衆以攻趙襄主
於晉陽高注晉陽趙氏邑補曰晉陽漢太原郡所治龍
山在西北晉水所出

恩澤

案漢志太原郡晉陽縣故詩

唐國周成王滅唐封弟叔虞水經注叔虞封于唐縣有

晉水故改名曰晉括地志故唐城在晉陽縣北

志又云故唐城

在絳州翼城縣西二十里卽唐裔子所封蓋二說並存

堯所築叔虞始封此此相

沿舊說也而實不然皇甫謐曰堯始封于唐今中山唐

縣是也後徙晉陽及爲天子都平陽于詩爲唐國則唐

國在平陽也

詩譜所云故夏墟原指平陽說故曰其封域在太岳之野若在晉陽則與太岳無涉

矣水經注又云汾水南過永安縣西歷唐城東臣瓚曰

堯所都也東去隰

卽太岳所在

十里應劭曰順帝改隰曰永

安

今汾西縣屬平陽府

則瓚以唐國爲永安也

顏師古主此

世本居篇

唐叔虞居鄂宋忠曰鄂在大夏張守節曰故鄂城在趙

州昌寧縣東二里與絳州夏縣相近禹都安邑故城在

縣東北十五里故云在大夏今爲鄉寧縣屬平陽府列

國興廢說成王封叔虞于唐始都翼杜預曰晉舊都在

平陽絳邑縣東鄭樵曰唐城在絳州翼城西二十里以

有晉水出焉改爲晉

水經注平水出晉水拓地志平陽河水一名晉水

其地正

名翼亦名絳而平陽者是其總名今爲平陽府翼城縣

顧炎武曰翼北距晉陽七百餘里

潛邱劄記作六百五十里

卽後世

遷國亦遠不相及

全祖望經史問答謂初封晉陽後轉徙于翼

晉世家唐在

河汾之東方百里今翼城正在二水之東而晉陽在汾

水之西又不相合竊疑自唐叔以至侯緡並在翼洪亮

吉日今翼城縣西有唐城東有晉城則詩之唐國不在
晉陽歷有證驗若其爲趙簡子邑則固無疑耳縣西北二十里
有三角城其城三面一名徙人城
又曰捍胡城相傳爲趙簡子所築

邯鄲

同上拔邯鄲完河間西攻修武踰羊腸降代上黨原注
邯鄲趙國都恩澤案漢志趙國有邯鄲縣張晏曰邯山
在東城下單盡也城郭從邑故加邑云寰宇記云邯山
至此而盡因名太平御覽邯鄲本春秋時衛邑哀四年
趙鞅降之至肅侯都焉五代時縣移今治地理通釋邯
鄲北通燕涿南有鄭衛漳河之間一都會也故城在今

直隸廣平府邯鄲縣西南二十里

志云俗呼舊城爲趙王城雉堞猶存有甃

趙王故臺也

常山

本策蘓秦自燕之趙章西有常山南有河漳東有清河

北有燕國原注

見楚策

恒山屬趙之元氏補曰正義云在

鎮州西

恩澤

案爾雅恒山爲北嶽管子恒山北臨代南

俯趙東接河海之間早生而晚殺五穀之所蕃熟地理

志恒山在常山郡上曲陽縣西北風俗通恒常也萬物

伏北方有常亦謂之常山白虎通陰終陽始其道常久

故曰常山地道記恒山在上曲陽縣西北百四十里北

行四百五十里得恒山吸號飛狐口北則代郡也名山
記恒山高三千九百丈七尺上方三十里索隱常山於
天下在北若人背脊元和志恒山常水所出故曰常山
或云避漢文帝諱此張晏說非是夢溪筆談北岳謂之大茂
山胡渭曰大茂山乃恒山之脊俗名神尖今在直隸定
州曲陽縣西北百四十里舊注謂在元氏又云在鎮州西俱誤保定府
西境及山西大同府東境故又在渾源州南二十里經水
注崞縣南面元嶽卽此列代祀典俱在曲陽本朝順治七年始
改祀渾源張氏琦曰此據趙國都言若四封則此時
西至河也

陘山

秦策陘山之事章高注陘山蓋趙井陘塞

恩澤

案地理

志常山郡石邑縣西有井陘山太行第五陘也穆天子

傳天子獵於鋤山卽此呂氏春秋天下九塞井陘其一

淮南李左車曰井陘之道車不得方軌騎不得成列最

爲趙之險塞正義井陘在真州井陘縣東南十八里

卽井

陘元和志井陘一名土門在縣東南八十里其口在縣

南十里四面高中央下如井故曰井陘今在直隸正定

府井陘縣東北五十里

東接獲鹿縣界西接山西平定州界

此章陘山

未見得確是趙地姑依高注錄此以俟考

羊腸

本策趙收天下章坐羊腸之上高本作羊唐

見上邯鄲下高注羊腸在太原晉陽之西北趙險塞山

形屈折狀如羊腸鮑注

見西周策

上黨壺關有羊腸坂

恩澤

案羊腸有三一在懷澤間卽太行坂道蔡澤謂應侯曰

決羊腸之險塞太行之口正義太行山坡道盤紆如羊

腸南屬懷州北屬澤州呂氏春秋九山之一是也一在

潞安府壺關縣東南百里

與澤州接界

樊餘謂楚王曰韓兼

兩上黨以臨趙卽趙羊腸以上危蕪厲遺趙王書曰秦

以三郡攻王之上黨羊腸之西

正義曰沁州在羊腸坂西

句注之南

非王有已

此趙世家文與國策小異

地理志上黨郡壺關縣有羊腸

坂是也一在太原府西北九十里吳起曰夏桀之居伊

闕在南羊腸在北

策作廬畢在其北伊洛出其南

郡國志萬根谷山即

羊腸坂

在交城縣東南五十三里

淮南子注晉陽西北九十里羊

腸坂通河西上郡關皇甫謐曰羊腸塞在龍山水經注

倉山有羊腸坂在晉陽西北石磴縈委若羊腸焉故倉

坂取名矣

袁宇記羊腸又古積穀之所後魏於此立倉名羊腸倉後漢書鄧訓傳注以羊腸倉在嵐

州界羊腸坂蓋亦地相接今為岢嵐州

通典陽曲縣有乾燭谷即羊腸坂

是也三者壺關與懷澤相連而太原較遠當各依本文

解之

此云西攻修武踰羊腸降代上黨蓋指澤潞言

句注

本策趙收天下章且秦以三軍攻王之上黨而危其北

則句注之西非王之有也原注屬雁門補曰在縣西北

恩澤

案爾雅北陵西隄雁門是也郭璞曰即雁門山蓋

指句注言呂氏春秋天下九塞句注其一

淮南子同

高誘曰

在雁門陰館漢志雁門郡陰館縣

今大同府山陰縣

有句注山

地理志又云在太原郡廣武縣即今代州地相接

晉地道記北方之險盧龍飛

狐句注為之首天下之阻所以分別內外也河東記句

注以山形勾轉水勢注流而名

淮南子作句注非是

亦

曰陁嶺自雁門以南謂之陁南以北謂之陁北亦曰東

陁西陁括地志句注與夏屋山相連

相去五里

蓋北方之

險亦天下之阻元和志句注在朔州鄯陽縣東八十里
代州雁門縣西北二十里正義作四十里寰宇記東陜關在代
郡南二十里西陜關在雁門縣西北五十里今在山西
代州西北二十五里又在朔平府朔州東南

馬服

秦策謂應侯曰章君禽馬服君乎原注服虔曰馬服猶
言服馬也索隱引虞喜志林說同崔浩曰馬服官名言服武事也

恩澤案馬服山名郡國志注引張華曰趙奢冢在邯鄲

西山上謂之馬服山括地志馬服山在邯鄲縣西北十

里路史國名紀今海

疑誤

之永年有馬服岡今邯鄲縣西

北三十里有紫山亦謂之馬服山蓋因趙奢葬此而被

以名正義曰因馬服山爲號故誤則在當時固無此稱也

河

同上常山章秦甲涉河踰漳據番吾則兵必戰於邯鄲之下矣恩澤案水經注河水南逕西河圍陽縣東又南

逕離石縣西又東逕土軍縣西又南逕上郡高奴縣東又南逕河東北屈縣西又南逕皮氏縣西以今地言之

凡陝西綏德州及延安府之延長延川宜川皆古上郡地山

西保德州及寧武府之偏關太原府之興縣汾州府之臨縣石樓永寧寧鄉隰州之永和太寧平陽府之吉州

鄉寧等處皆河所經皆趙地也策云涉河踰漳據番吾
在今磁州而戰邯鄲當自漳關出兵由懷慶渡河再由
說見後彰德渡漳而後至也

漳

見上原注

見齊策

說文濁漳出上黨長子鹿谷山東入清

漳清漳出沾山大窰

古腰字俗作龜非

谷入河南漳出南郡

恩

澤

案淮南墜形訓清漳出楊戾濁漳出發包

即發鳩

高誘

注二漳合流經魏郡入清河

水經淇水東北過廣宗縣謂之清河

水經注

濁漳水出長子縣西發鳩山

一名鹿谷山史記正義引括地志作力黃山後魏志

作廉山蓋

清漳水出沾縣

今平定州樂平縣

西北少山

即大自

皆異名

涉縣東南流至武安縣注于濁漳

正義謂漳水源出潞州武安縣三門山蓋

誤

世謂之交漳口山海經郭璞注則云濁漳東至鄴入

清漳地理志清漳東北至阜城入大河說皆小異顧祖

禹曰二漳至河南臨漳縣西合焉其下流又分爲二經

流自直隸獻縣合滹沱河支流自山東館陶縣合於衛

河俱經直隸靜海縣北小直沽入海蓋皆自河入海也

通雅漳十有一皆以清濁合流而名

沈存中以清濁相蹂者爲漳章

者文也別也漳謂兩物相合有文章且可別也趙之二漳本入河河東徙

周定王五

年

乃專達於海

按漳水甚多惟清濁二漳爲趙望鮑注兼引南漳非是

河漳

見上常山下又齊策張儀爲秦連橫說齊王曰章秦趙
戰於河漳之上高注河漳漳水也恩澤案以河漳爲漳
水在齊策則可在本章則河爲大河漳爲漳水

漳河

本策蘓秦說李兌曰章漂入漳河東流至海恩澤案此

則專指漳水矣

薄洛水

本策武靈王平晝閒居章今吾國東有河薄洛之水與

齊中山同之原注史記安平涇水

疑作經縣

西有漳水津名

薄洛津後志安定烏枝谷名補曰淮南子嶢山崩而薄

洛之水涸注謂薄洛在焉翊臨晉今按本文謂在趙東

與齊中山同之恐皆非此所指未詳恩澤案郡國志安

平國經縣西有漳水津名薄洛津徐廣說同劉昭注引此為

證水經注漳水又歷經縣故城西水有故津謂之薄洛

津寰宇記落漢水在平鄉縣西疑當作東南十八里古薄津

也語訛故為落漢胡三省曰薄落水在趙之東與齊中

山同此地險漢經縣為今直隸順德府廣宗縣自隋至宋為平

鄉縣正在趙之東境與齊中山皆接壤齊在東中鮑謂山在北

安平西有漳水名薄洛津本不錯乃以安定郡烏枝有

薄洛谷即開頭山為涇水所出遂訛經縣為涇水吳知其非

而不能是正反引淮南以亂之疎矣 顧祖禹曰薄洛水一名胡盧河卽禹貢大陸澤亦謂之廣阿澤酈道元以爲卽楊紆藪在今趙州寧晉縣東南二十里按寧晉爲漢饒陶縣後漢袁紹傳大會賓徒于薄落津注引水經注漳水經鉅鹿故城西謂之落津郡國志鉅鹿郡饒陶縣有薄落亭或卽因水而名可備一說以俟考

滏

本策說張相國曰章前漳滏右常山左河間北有代原注後志滏水在鄴

恩澤

案山海經神囷之山滏水出焉

東流注於歐水淮南墜形訓金出景高誘曰景山在邯

鄆西南郡國志鄆有淦水水經注淦水出鄆西北石鼓

山南巖下冬溫夏冷東流注於漳謂之合口

見濁漳篇

文選

注淦水熱若出於釜故以淦名元和志金水出磁州淦

陽縣西北四十五里鼓山亦名淦山泉源奮湧若釜水

然今出直隸廣平府磁州西鼓山東北流經邯鄆承年

曲周雞澤平鄉而入大陸澤復由鉅鹿南流至威縣合

於漳

方輿紀要謂原出河南武安縣東淦口山經直隸磁州東南流至臨漳縣西北入漳殊誤張氏琦曰

淦水自明承樂中漳水北決入淦後又挾淦東南行故道不可復述

晉水

秦策秦昭王謂左右曰章決晉水以灌晉陽原注出晉

陽補曰括地志晉水出并州晉陽縣西東南流注汾水

恩澤

案山海經懸甕之山晉水出焉淮南墜形訓晉出

龍山高誘注龍山在晉陽西北地理志晉陽有龍山晉水所出東入汾水經注昔智伯遏晉水以灌晉陽因分爲二流北瀆卽智氏故渠其瀆乘高東北注入晉陽城周迴灌溉東南出城流入於汾其南瀆經城南亦注焉元和志晉水有三派其二派卽水經注所云又一派隋開皇四年開亦東南流入汾水今出山西太原府太原

縣西南十里懸甕山

卽龍山也

呼池

同上晉陽章中呼池以北不戰而已爲燕矣原注呼池

在代鹵城

恩澤

案山海經泰戲之山淖沱之水出焉穆

天子傳絕鈺山之隊北循庫沱之陽注今在雁門鹵城

縣淮南隱形訓呼沱出魯平

孫星衍曰平疑當作乎此山亦名武夫古聲相近按

此說似未合呼池有魯沱之名因號魯口寰宇記云出平山說文作皮夫山括地志作孤阜山無言魯乎者

地理志庫池出代郡鹵城縣東至參戶

地理通釋引作參合胡渭曰參

戶故城在今青縣參合在今大同府陽和衛北與鹵城隔絕呼沱不得至其地

又河間國

樂成弓高渤海郡成平下俱有庫池河蓋其別流甚多故各就所在書之

正義呼沱出代州

繁峙縣東南流逕五臺山北又東南流過定州入海

定州

距海尙遠蓋由定州至文安以東乃入海也

錢坫曰河北之水惟庫池決溢

無常漸趨而南無復舊迹水經又逸其文燕南趙北故
道莫可考矣

洹水

同上常山章令天下之將相相與會於洹水之上原注

見秦策 燕秦傳注出林慮項羽紀注在安陽縣北前後志

在良鄉東南

張氏琦曰漢志出良鄉者乃垣恩澤案地水非洹水也後志良鄉下不注

理志洹水出河內郡隆慮

郡國志作林慮徐廣曰洹水所出張宗泰曰隆林聲相近

縣東北至信成

今廣平府清河縣

入張甲河水經注洹水出上

黨泣氏

今澤州府高平縣

縣東過隆慮縣北又東北出山過鄴

縣南東過內黃縣入白溝

淇水過內黃縣為白溝亦見水經注 釋例洹水

出汲郡林慮縣東北至長樂縣今彰德府安陽縣入清水三說

互異今出彰德府林縣西三十里林慮山東流逕安陽臨

漳至內黃縣入衛河與釋例合是其上流當依地理志其下流當依水經注參而較之其失自見矣

清河

見上常山下案見齊

平原津

秦策鮑本屬趙文信侯出走章平原津令郭遺勞原注列女

傳有趙津吏蓋此官恩澤案史記正義德州平原縣南

六十里有張公故城城東有水津焉後名張公渡恐此

平原郡古津也漢書公孫宏平津侯所封亦近此蓋平
津卽此津胡三省曰按公孫宏封勃海高城之平津鄉
則平津非平原津也漢志篤馬河至平原東北入海此
蓋津渡處顧祖禹曰今山東平原縣屬濟南府西南有平原
津黃河津濟之所也

河關

齊策張儀爲秦連橫說齊王曰章悉趙涉河關指博關
原注河關屬金城史作清河是也正曰河之關亦通恩
澤案此趙之東界蓋於清河之上設關以爲防守常在
今直隸廣平府清河縣西境

扞關

史作
挺關

同上句注章今燕盡韓之河南距沙邱而至鉅鹿之界
三百里距於扞關至於榆中千五百里原注大事記扞
者扞敵之扞非關名也趙之扞關陸道之關也楚之扞
關水道之關也恩澤案趙世家作秦之上郡近扞關至
於榆中千五百里以地形考之趙之扞關當在今陝西
膚施縣一帶此本趙地而亦秦上郡邑設關於此所以
扞秦胡也或曰趙扞關在晉陽以西

太原

東周策或爲周最謂金投曰章秦盡韓魏之上黨太原

西一作止
鮑作土秦之有已原注魏地後爲秦郡思澤案

太原趙地卽晉陽也言秦誠盡得韓魏之上黨則趙之太原以西亦當爲秦有故曰制三晉之命鮑以爲魏地非是漢志并州有太原郡尙書大傳曰大而高平者曰太原春秋說題辭曰高平曰太原原端也平而有度一

曰大鹵昭元年晉荀吳敗狄于大鹵傳曰卽太原也穀

傳中國曰太原夷狄曰大鹵廣雅大鹵太原也又曰大夏傳云遷寶沈于大夏

杜注大夏晉陽也又曰夏虛定四年封于夏虛杜注夏

虛卽大夏此相沿舊說今不從又曰鄆隱六年納諸鄆宋忠曰鄆

地在大夏元和志大原六名一作平陽無稱鄆之說又曰唐地理志晉陽故

詩唐國是也凡有七名 都邑詔太原有三城一曰太

明城古晉陽城也左氏謂董安于所築城東有汾水南

流與城西晉水滙故智伯引汾水以灌城春秋後語謂

決晉水也

韓世家亦作晉水

地理通釋隋唐地理志所謂晉陽

縣乃古龍山縣所謂太原縣乃古晉陽縣

北齊分晉陽置龍山縣隋

開皇十年改龍山曰晉陽而以古晉陽爲太原

榆次

秦策頃襄王二十年章智伯見伐趙之利而不知榆次

之禍也原注榆次屬太原正曰并州縣

恩澤

案左傳石

言於晉魏榆服虔曰魏晉地榆州里名後謂之榆次故

址猶存水經注榆次縣故涂水鄉晉大夫智徐吾之邑

也漢書曰榆次石梗陽鄉十三州志以爲涂陽縣矣今山西

太原府榆次縣西北有榆次故城

祁

西周策蘓厲謂周君曰章攻趙取蘭離石祁者皆白起

原注祁屬太原恩澤案祁本晉大夫祁氏邑蓋以邑爲

氏也後乃屬賈辛水經注侯甲水又西北逕祁縣故城

南自縣連延西接鄆澤在今汾州府平遙縣是爲祁藪卽昭餘祁

也縣殆以此得名元和志故城在祁縣東南十五里寰宇

記作顧祖禹曰今太原府祁縣東南錢站作七里西疑誤有故

祁城戰國時爲趙地縣西六里有趙襄子城相傳爲其所築

離石

見上高注離石屬西河鮑同思澤案離石縣東北有離

石水

見寰宇記

又有離石山

元和志今名赤洪嶺

縣蓋以此名其南有

呂梁

徐泗亦有呂梁與此異

卽尸子所謂龍門未闢呂梁未鑿河

出孟門之上者也水經注河水又南得離石水口水出

離石北山南流逕離石縣故城西是其證矣寰宇記石

州凡五縣離石臨泉平夷方山定胡皆離石地則赤大

縣也地有南單于城卽左國城今山西汾州府永寧州

寧鄉縣臨縣皆其地也

蘭

見上高註蘭屬西河鮑同

恩澤

案趙世家成侯三年衛

敗我蘭

通釋引作魏敗

二十四年秦攻我蘭肅侯二十二年秦

取我蘭離石

此事在白起敗韓魏殺

則蘭趙地也漢志

西河郡有蘭縣正義曰蘭縣在石州

徐應以爲在潁川非是正義曰潁川

無蘭當是綸氏之訛

今永寧州西有蘭城

魏世家武侯十五年

敗趙師于北蘭正義曰在石州趙之西北卽此地

馬陵

燕策秦召燕王章兵傷於離石遇敗於馬陵原注索隱

云並趙地

恩澤

案馬陵有五一在山東濮州東北六十

餘里齊地也

左傳馬陵在益都縣西南亦齊地

一在直隸元城縣

東南十里魏地也

詳見魏

一在河南長葛縣北三十里韓

地也

史記韓懿侯二年魏敗韓馬陵卽此

一在山西榆社縣西北九十里

則趙地也

與太原府太谷縣接界

策所指應在此又郡國志河東

郡平陽縣亦有馬陵

今臨汾縣西南有白馬故城疑卽其處

劉昭引杜注

以爲衛地今無其文恐有誤

衛地不得至河東

蔡皐狼

魏策作梁

本策智伯帥趙韓魏而伐范中行氏章又使人之趙請

蔡皐狼之意思注蔡皐狼屬西河補曰漢志西

河郡有皋狼縣又有蘭縣蔡或蘭字訛

恩澤

案通鑑注

司馬康曰皋狼春秋蔡地後爲趙邑胡三省曰皋狼屬

西河郡非蔡所能有或者蘭字之訛蘭亦屬西河蓋卽

用舊証說或曰蔡蓋宅字之訛史記孟增幸於周成王

是爲宅皋狼是也

索隱曰據史記皋狼當是孟增之號而徐廣以爲地名者蓋居以皋狼之

地故云宅皋狼也

然此等處似未可決斷趙世家云先王取蘭

郭狼王應麟曰郭狼疑是皋狼

張宗泰曰郭皋聲相近

而與取蘭

連文始從舊說爲是今永寧州西北有皋狼故城與蘭

故城相近 史記建元以來王子侯表有皋狼索隱曰

在臨淮洪亮吉曰今山西沁州武鄉縣西北五十里亦

有臯狼城則臯狼更非一地

上黨

見上邯鄲句注下高注上黨屬韓

恩澤

案上黨乃韓之

別都遠韓近趙後卒降趙地理志趙分晉西有上黨則

趙本有上黨也正義曰秦上黨郡今澤潞儀

唐書地理志儀州即

遼州先天元年避元宗諱改中和三年復曰遼州

沁等四州之地兼相州之半

韓總有之至七國時趙得儀沁二州之地韓猶有潞州

及澤州之半半屬趙魏沁州在羊腸坂之西儀并代三

州在句注之南輿地廣記秦上黨郡今澤潞遼州平定

威勝軍之地今山西潞安府澤州府遼州沁州皆是張氏

琦曰今河南彰德府武安涉縣直隸廣平府之磁州亦其地釋名黨所也在山上其

所最高故曰上黨

志云郡地極高與天為黨故曰上黨非是

上黨記高平赤

壤其地山阻百姓不居即此郡也

長子

竹書作尚子

齊策蘓秦說齊閔王曰章南戰於長子敗趙氏原注

見東

周局上黨

恩澤

案漢志上黨郡有長子縣周史辛甲所

封

按劉向別錄辛甲事紂七十五諫而不聽之周文王以為公卿封之長子此說恐不足信文王未有天下

何得以長子封辛甲元和姓纂作封其長子較是

唐十道圖長子城丹朱所築

丹朱堯之長子因名

師古讀長如字似非

亦曰丹朱城本晉地

見左

傳

後周趙國諸智伯攻趙襄子將出從者曰長子近且

城厚完是也又屬韓趙世家成侯五年韓與我長子是也
竹書梁惠成王十二年鄭取純留向子向子即長子也故屬韓今山西潞安府長子縣治西南有長子城

長平

秦策昭王既息民繕兵章長平之事原注後志泣氏有

長平亭在上黨郡南山中百二十里補曰正義云在澤

州高平縣西

恩澤

案長平有二一是魏地在今河南陳

州府西華縣東南

或作東北

十八里地理志汝南郡有長平

縣括地志長平故城在陳州宛邱西六十六里通鑑始

皇五年蒙驁伐魏取長平是也

即左傳鬼闕其地有長平

是趙地在今山西澤州府高平縣西北二十一里

又在長子

縣南四郡國志上黨郡泫氏縣有長平亭括地志長平

十里

故城在澤州高平縣西三十一里卽白起敗趙括處是

也上黨記長平城在郡之南秦壘在城西城之左右沿

山亘隰南北五十許里東西二十餘里悉秦趙故壘遺

壁舊存焉通典長平有頭顱山築臺于壘中因山爲臺

志云長子南有長平關卽江豬嶺上有石如豬

此說似誤左傳

與華氏戰于豬邱後漢志陳國長平縣有豬邱水經注亦云蓋卽江豬嶺也正

在魏之長平以云長子非是

圖經云關蓋置於武紇嶺秦趙戰于長平趙兵敗白起

追之至此嶺又縣西北二十里有漳澤驛長平北出道

也

關與

本策秦攻趙蘭離石祁拔章令衛胡易

史作胡傷

伐趙攻關

與原注後志上黨涅有關與

恩澤

案黃儀云關與有四

水經注梁榆水逕梁榆城南卽關與故城也

盧華征魏賦訪梁榆

之虛郭弔關與之舊都

趙奢破秦於此

說本十三州志

在今遼州和順縣

括地志關與聚今名烏蕪城在潞州銅鞮縣西北二十

里趙奢破秦軍處銅鞮今沁州郡國志上黨涅縣有關

與聚劉昭云史記趙奢破秦兵關與在今武鄉縣隋地

理志武安縣有關與山元和志在縣西南五十里卽趙

奢拒秦處武安屬今彰德府東海公曰若在武安去邯

鄆僅六十里何須卷甲而趨二日一夜至乎

卽括地志說當

以潞州爲是閻若璩曰渥故城在武鄉縣西五十五里

武鄉在沁州東北六十里則渥在沁州之北矣閻與又

在渥縣西則在沁州西北可知相去無幾正是一地此

韓之閻與也趙奢列傳秦伐韓軍于閻與趙世家惠文

王二十九年秦韓相攻而圍閻與皆在此若和順閻與

則爲趙地始皇本紀十一年王翦攻閻與轅陽轅陽卽

今遼州和順在州北九十里距沁州幾二百餘里自是

兩邑魏世家昔者魏伐趙拔閻與秦本紀昭襄王三十

八年胡傷攻趙關與

即本策事

皆在此

方輿紀要以趙關與在今沁州雖屬

兩國而皆爲趙奢拒秦處故易混至武安之有關與則

唐人誤會史遷文義而言之括地志已知其非矣

方輿紀要

以韓關與

在今武安

武城

本策趙王封孟嘗君以武城章原注屬清河卽下東武

城

恩澤

案以東武城爲孟嘗君所封似乎合理然謂武

城卽東武城實說不去地理志定襄郡有武城縣應劭

曰定襄有武城故清河武城加東字

元和志寰宇記並主此說

則清

河之有東武城正以定襄武城而名不得謂武城卽東

武城也且趙東武城乃平原君封邑未必又以封田文

今山西朔平府平魯縣西北塞外有漢武城故城

在歸化城

東其田文封此與否固難決斷然定襄武城實在此地

圖策地名考卷九

欵 程恩澤纂

儀徵阮芸臺先生鑒定 溧陽 狄子奇箋

魯山 張宗泰訂

趙下

上郡

同上常山章宜陽効則上郡絕原注并州郡正曰正義
云上郡在同州西北恩澤案漢志并州有上郡括地志

上郡故城在綏州上縣元和志作龍泉縣東南五十里通典今

綏鄜銀麟夏坊延丹等州地輿地廣記上郡今麟延安

丹坊鄜銀夏綏德保安之地胡三省曰隋唐之綏州延

州秦漢之上郡地也此本魏地史記秦惠文王十年魏納上郡十五縣正義丹

坊鄜延北至固陰皆是而亦屬趙趙滅中山遷其君於膚施卽上

郡縣也地理通釋亦以此章上郡屬趙後皆爲秦有今陝西綏德州有

上郡城其地則綏德延安鄜州皆是也張氏琦曰上郡

當作上黨宜陽與上黨隔河連近若上郡則遠矣

定陽

同上長子章恃其強而拔邯鄲西圍定陽原注屬上黨

恩澤案上黨蓋上郡之訛漢志上郡有定陽縣應劭曰

在定水之陽水經注黑水出定陽縣西山東南流右合

定水俗謂之白水今陝西延安府宜川縣西北

張氏釋地云在

今陝西鄜州洛川縣北有定陽城與膚施相近

又山西吉州亦有定陽城乃後魏時

所置

平都

本策秦召春平侯章故君不如遣春平侯而留平都侯

又見魏策原注皆趙人

恩澤

案地理志上郡有平都縣

正義曰輿地志平都縣在今新興郡

此曹魏郡名非拓跋魏郡名也

陽周縣相近秦漢之陽周本在今陝西安定縣後魏時

移屬趙興郡爲今甘肅正寧縣

正義陽周今寧州羅川縣之地

據輿地

志平都與陽周相近則其地當仍在安定又今山西遼

州西北七十里有平城廢縣志云卽趙平都城趙簡子
所立未知是否 趙惠文王三十年章相都平君田單
鮑本改作平都正曰都平卽安平也

本大事記今附於此

雲中

燕策燕太子丹質於秦章王翦將數十萬之衆臨漳鄴
而李信出太原雲中趙不能支秦必入臣原注

見趙策并

恩

州郡補曰正義云雲中郡城在榆林縣東北今勝州

澤案地理志有雲中郡雲中縣匈奴傳趙武靈王北破

在今歸化城北三十五里

下至高闕爲塞置

林胡樓煩自代並陰山

雲中

通釋今勝州單于府之地

雁門代郡水經注虞氏記云趙武侯

自五原河曲築長城東至陰山又於河西造大城一箱
不就乃改卜陰山河曲而禱焉晝見羣鵠遊于雲中裴
回經日見大光在其下乃卽其處築城今雲中城是也

元和志雲中故城在榆林縣東北四十里

括地志寧夏
字記並同

記趙武靈王北破林胡樓煩所置秦因之冀州圖雲中

周迴六十里北去陰山八十里南去通漢長城百里

卽

道川也在南北遠處三百里近處百里東西五百里錢

坵曰雲中城在今陝西榆林府神木縣東北鄂爾都斯

界內黃河東北岸洪亮吉日在今歸化城西後漢移置

今代州崞縣

西南七十
里

原陽

本策王破原陽以爲騎邑章原注屬雲中

恩澤

案漢志

雲中郡有原陽縣水經注芒干水西南逕武臯縣

今殺虎口

又南逕原陽縣故城西在今朔平府右玉縣西北邊城

北

在歸化城西北

榆中

見上扞關下原注屬金城

恩澤

案漢志金城郡有榆中

縣但此乃秦漢縣名非戰國之榆中也伍被傳廣長榆

開朔方注長榆在朔方卽衛青傳所云榆溪舊塞或謂

之榆中始皇紀西北斥逐匈奴自榆中並河以東屬之

陰山以爲三十四縣項羽紀蒙恬爲秦將北逐戎人開
榆中地數千里蘓林曰在上郡崔浩云蒙恬樹榆爲塞
也水經注諸次水出上郡諸次山東逕榆林塞又謂之

榆林山卽漢書所謂榆谿舊塞者

河水篇又以蒙恬所開榆中爲金城郡屬

縣說稍互異

括地志榆中勝州所治榆林縣正義勝州北河

北岸通典勝州榆林郡南卽秦榆林塞輿地廣記榆林

縣東有榆林關

隋開皇二年置

胡三省曰據衛青取河南地案

榆林舊塞正在唐麟勝二州界其西接古上郡之境道

元牽合班志金城郡之榆中縣反以蘓林爲誤非是合

諸說推之趙之榆中自當在今陝西榆林府榆林縣邊

城外其甘肅金縣之榆中故城則漢縣也

通典又謂榆中故城在蘭

州五泉縣卽此

胡中

同上原陽章率騎入胡出於遺遺之門踰九限之固絕

五徑之險至胡中辟地千里吳注胡中一本榆中世家

二十年王西畧胡地至榆中正義云勝州所治榆林

括此

地志文非史記正義也見上

恩澤案胡中卽榆中也據吳以正義爲

證則亦主榆林縣與鮑異義而不爲是正未審厥指

遺遺之門

九限

五徑

高本作便

見上原注此門義取胡者古今所遺正曰無據而繆

恩

澤案顧祖禹曰今陝西榆林鎮今爲榆林府廢勝州今神木縣邊外

北有榆溪塞漢曰廣長榆塞卽國策所云出于遺遺之

門踰九限之固絕五徑之險者也又蘓厲爲齊遣趙惠

文王書秦之上郡近扞關至於榆中者千五百里亦卽

此地此據史記文與國策小異雖非確詰而大意不甚相遠也

窮之門

同上昔者先君襄主與代交地城境封之名曰無窮之

門所以詔後而期遠也恩澤案史記云遂至代北至無

窮胡三省曰自代北出塞外大漠數千里故曰無窮引

國策云云此說非是窮與終通莊子終髮卽窮髮南荒地無窮謂無

終卽左傳無終子國也漢志右北平郡有無終縣其地

相傳在今遵化州及玉田縣

或曰在今薊州非是薊州乃徐無非無終也

炎武曰據漢書樊噲傳擊陳豨破得綦母卬尹潘軍於

無終廣昌

今屬易州距玉田七百餘里顧謂千有餘里稍誤

則其初境當在雲

中代郡之間江永曰晉自荀吳敗無終及羣狄漸擴代

北之地其後趙氏盡得代地而無終之國乃在右北平

是無終本與代隣故曰遂至代北至無窮策謂與代交

地城境封之名曰無窮之門正與史合無窮似卽無終

當在今直隸易州廣昌縣

見上邯鄲下高注代屬趙

思澤

案地理志幽州有代郡

又有代縣十三州志古代城在飛狐界

在蔚州東南一百里

自飛

狐縣北入媯州懷戎縣界卽古飛狐口也寰宇記代本

北狄姜姓國周末強大在七國前稱王以今雲中馬邑

五原安邊定襄皆爲代國之北焉今山西大同府及代

州之繁峙直隸宣化府及易州之廣昌皆其地非今代

州也

隋開皇五年始改
雁門郡爲代州

延陵

同上蔡邕狼章乃使延陵君

高本作王按韓非子作生
後乃訛爲王字而鮑又改

作將車騎先之晉陽

思澤

案地理志代郡有延陵縣應

劭曰在當城

在今宣化府城南

西北水經注延鄉水東逕延陵

縣故城北延音征史記趙世家延陵鈞徐廣注引此文

說文无部延行也从无正聲諸盈切漢武帝延和年號

用此則延字從正不從正與延陵異路史乃謂延陵有

五一在代卽此

一在綏三在江南

竟以延陵爲延陵

史記集解徐廣注亦

云代郡有延陵縣卽引韓子趙襄子

疎矣

漢志有北平郡又有延陵

縣或亦誤爲延陵元和姓纂以趙襄子

錢坫曰延陵今

宣化府萬全縣地洪亮吉曰在大同府天鎮縣北邊牆

外

魏策秦敗魏於華章初時惠王伐趙戰平三梁原注春

秋秦取梁漢夏陽也河內

當作南

有梁周小邑也陳留浚

儀大梁爲三正曰索隱云三梁卽南梁

史記作戰平南梁故索隱有此

說恩澤案二說皆非是鮑以三梁爲一地不能轉戰於

三處也吳以三梁卽南梁此韓地在今汝州與趙遠不

相涉水經注博水又東南逕三梁亭南疑卽古勺梁也

竹書紀年燕人伐趙圍濁鹿趙武靈王及代人救濁鹿

敗燕師于勺梁今廣昌東嶺之東有山俗名之曰濁鹿

邏城地不遠土勢相隣以此推之或近是矣路史國名

紀引地理風俗傳扶柳西北五十里有梁城故漢西梁

縣也在今冀之南宮堂陽鎮

今在東鹿縣東北

二說皆可存

水經

注尤近是

東垣

燕策蘓秦將爲從章不至十日而數十萬之衆軍於東

垣矣原注垣謂城正曰正義云東垣趙之東邑在恒州

真定縣南故常山城

恩澤

案地理志真定國真定縣故

東垣高帝紀八年擊韓信餘寇于東垣卽此十三州志

河東有垣故此加東在今直隸正定府正定縣南八里

又今河南新安縣東亦有東垣故城乃晉宋所置寰宇記謂宋東垣縣在河清縣西南二十五里疑卽此地

鄙

同上薄洛水章引水圍鄆原注屬常山補曰光武卽位

於此改高邑恩澤案左傳哀四年齊國夏伐晉取鄆地

理志常山郡有鄆縣郡國志高邑故鄆光武更名說文

鄆常山邑世祖所卽位今爲高邑作廣王此說然非今之高

邑縣也高士奇謂卽今高邑非是今高邑縣乃漢房子縣北齊天保

七年移置至隋開皇十六年復於漢鄆城南十八里改

置柏鄉縣屬趙郡元和志云故鄆城在柏鄉縣北二十

一里是也寰宇記趙州平棘縣今省入趙州有鄆城史記魏

无忌救趙趙孝成王爲築此城趙世家武靈王三年卽城鄆今名故

城鎮卽此地在今直隸趙州柏鄉縣北二十二高作里

左傳晉師在敖鄆之間杜注在滎陽又取王官及郊
史記作鄆顧棟高曰當爲臨晉平陽間邑俱非一地

河間

見上邯鄲下案見秦

東陽

同上邯鄲章東陽河外不戰而已反爲齊矣又齊策國

子曰章絕趙之東陽原注屬清河

恩澤

案地理志清河

郡有東陽縣括地志東陽故城在貝州歷亭縣界河北

岸元和志在縣西十八里輿地廣記恩州歷亭縣漳南

鎮本漢東陽縣今爲河間府故城縣地與山東恩縣接

境但此乃漢後縣名非趙之東陽也馬融三傳異同說

見水經注曰晉地自朝歌以北至中山為東陽朝歌以南至

軹為南陽杜預曰東陽晉之山東魏郡廣平以北王氏

曰自漢以前東陽大抵為晉太行山東地非有城邑也

楚漢之間始置東陽郡則東陽亦廣矣大約今直隸大

名廣平順德等府皆是

左傳東陽北四見趙勝帥東陽荀吳畧東陽在今晉州晏弱城

東陽在今臨朐吳師克東陽在今費縣均與此有別

鉅鹿

見上并關下原注冀州郡

恩澤

案漢志鉅鹿郡有鉅鹿

縣注引山海經曰大陸之水史記紂盈鉅橋之粟許慎

云鉅鹿之大橋也應劭曰鹿林之大者

又云即唐虞之大麓似未可信

顏氏家訓大麓一名確務山在今唐山縣境與鉅鹿隔河呂氏春秋天下九藪鉅鹿

其一淮南卽今廣阿澤也胡渭曰呂覽旣云趙有鉅鹿又云晉有大陸其地爲懷大

陵縣陸疑陵字之訛按左傳魏舒田于大陸在修武吳澤卽晉南陽地非大陸也淮南高誘注以爲卽此師古

已斥之元和志大陸澤在鉅鹿縣西北五十里爾雅正義引作五里

疑誤按元和志有四大陸通典寶宇記澤東西二十里有兩大陸皆各就所在言之

南北三十里一名沃州在鉅鹿縣西北五里今在新河

寧晉之交又跨據深州東鹿隆平鉅鹿諸州縣俗名北

泊亦曰胡蘆河其鉅鹿故城則今順德府玉鄉縣也

沙邱

同上又秦策應侯曰章平原君自以賢名顯於天下然

降其主父沙邱而臣之原注鉅鹿有沙邱亭

恩澤

案沙

邱有三有紂之沙邱有主父之沙邱有始皇之沙邱

夏

桀亦有沙邱在安邑

始皇本紀始皇三十七年崩于沙邱平臺徐

廣曰趙有沙邱宮在鉅鹿武靈王死處地理志紂所作

沙邱臺在鉅鹿縣東北七十里又云趙地薄人衆猶有

沙邱紂淫亂餘民水經注沙邱臺紂所成也趙武靈王

與秦始皇並死於此則趙之沙邱卽紂與始皇之沙邱

也

寰宇記萊州掖縣有沙邱城紂所造始皇崩處又衛縣北四十里苑城有沙邱臺俗稱姬已臺又冀州阜

城縣亦有沙邱皆出附會

括地志沙邱臺在邢州平鄉東北二十里

元和

今同

志同

番吾

見上河下原注常山有蒲吾

恩澤

案地理志常山郡有

蒲吾縣

郡國志同

括地志番吾故城在恒州房山縣東二十

里

元和志同

今為正定府平山縣但番吾本非蒲吾

六國表作都吾

亦與蒲吾字異正義云番音婆又音盤亦以蒲吾為誤吳氏從之

且蘓秦張儀俱云涉

河踰漳據番吾迎戰邯鄲之下平山在邯鄲正北三百

餘里秦若由懷慶渡河由彰德踰漳而來固萬萬不必

至平山

張儀連橫章上文有軍於池句則山懷慶一路無疑

卽由蒲津渡河由

澤路踰漳而至邯鄲亦無庸繞道平山也

惟出井陘口則可然迂道

涉險決無是理

方輿紀要載一說云番吾卽今廣平府之磁州

在邯鄲正南七十里此乃秦自河漳至邯鄲必經之路

當從之

秦攻趙有兩道見魏策魏將與秦攻韓章俱由磁州而不由平山

剛平

同上長子章亦收餘甲而北面殘剛平墜中牟之郭原

注見秦剛平趙地缺趙成侯四年築剛平以侵衛五年

齊魏爲衛取我剛平皆不注正曰正義云蓋在河北

愚

澤案下云藉力魏而有河東之地則剛平常在趙之河

東蓋本衛地而趙取之

秦策云築剛平衛無東野

後又屬衛也顧祖

禹曰今直隸大名府清豐縣西南有剛平城

河東

齊策蘇秦謂齊王曰章有濟西則趙之河

史作阿東東下有國字

危原注趙河之東非郡也

恩澤

案鮑謂非河東郡甚是

但其地不知所在張氏琦曰濟西今荷澤鄆城壽張之地趙河之東今臨清以西趙之邊邑也由濟西推之當在今直隸清河元城大名南樂清豐等處凡在漳河之東者皆是

武安

秦策蘇秦始將連橫說秦惠王曰章封爲武安君高注

武安趙邑今屬廣平補曰正義云潞州武安縣

恩澤

案

漢志魏郡有武安縣徐廣曰在邯鄲西括地志故城在

武安縣西南七里

元和志作五里

今在河南彰德府武安縣西

南十里而直隸磁州亦其地

高注謂在廣平蓋據地望言之其實前後志俱屬魏

郡至晉乃屬廣平正義謂在潞州亦誤武安唐武德元

年屬紫州四年屬磁州六年屬洛州永泰元年又屬磁

州天祐三年改名惠州

趙先以封燕秦後又以封李牧

見本策

鄴

見上雲中下原注鄴屬魏郡

恩澤

案鄴本齊桓公所置

管子築五鹿中牟鄴以衛諸夏

國語作蓋與杜邱

是也後屬晉

魏文侯七年得其地改曰魏

故後世稱魏郡

尋復爲鄴西門豹

爲鄴令是也後又與趙趙世家悼襄王六年魏與趙鄴

是也漢志魏郡有鄴縣

說文同

故大河在東北太行山在

西北蓋要地也

帝王世紀縣西南有上
司馬殷太甲嘗居焉

元和志故城在

鄴東五十步今在河南彰德府臨漳縣西二十里

平陽

本策平原君謂平陽君曰章

恩澤

案此平陽卽在鄴縣

郡國志魏郡鄴縣有平陽城竹書紀年梁惠成王元年

敗邯鄲師于平陽史記始皇十三年桓齮攻趙敗趙將

扈輒于平陽卽此括地志平陽故城在相州臨漳縣西

二十五里胡三省曰正義以此爲河東之平陽非是

或曰

左傳衛侯飲孔悝酒于平陽卽此按杜注東郡燕縣有
平陽亭今在衛輝府滑縣東南五十里廢韋縣西二十
里似非一地括地志又云
在貝州歷亭縣界亦誤

今臨漳縣西二十五里有平

陽城

距鄴五里

蕩陰

魏策秦圍趙之邯鄲章止於蕩陰不進原注屬河內

澤

案漢志河內郡有蕩陰縣蕩水東至內黃澤有美里

西伯所拘也水經蕩水出河內蕩陰縣西山東鄆注云

出縣西石尚山泉流逕其縣故城南縣因水以取名也

章懷太子曰蕩陰今相州縣今彰德府湯陰縣西南有

蕩陰城

蕩陰作湯

中牟

見上剛平下原注屬河南趙獻侯自耿徙此正曰此據

地理志瓚及索隱以爲非正義云中牟趙邑在相州滂

陰縣西有牟山邑在山側

恩澤

案吳說是也

詳見春秋正義史記

集解晏子春秋晏子之晉至中牟韓非外儲說晉平公問

趙武曰中牟三國之股肱邯鄲之肩髀水經注魏徙大梁趙以中牟易魏皆此中牟在河北之證距今開封府

之中牟縣數百里

晉志以滎陽郡中牟爲趙都亦誤

曹之升曰河北之

險莫如鄴次卽中牟以有漳水之固又與鄴相近亦一

都會也

此春秋時衛走邯鄲之道以左氏衛侯將如五氏卜過中牟推之舊說甚確五氏在今邯鄲西

南今湯陰縣西五十里有中牟城

朝歌

魏策魏將與秦攻韓章若道河內倍鄴朝歌絕漳溢之

水而以與趙兵決勝於邯鄲之郊原注

見秦策

朝歌屬河

內

恩澤

案漢志河內郡有朝歌縣紂所都居南有牧野

北有邶國

又東有雍城卽左傳雍榆南有寧鄉卽國策寧地

衛爲狄所滅更封

于河南曹楚邱而河內殷墟更屬於晉括地志故城在

衛州東北七十二里通典在衛州衛縣西二十二里

字寢

記今衛輝府淇縣北關西社有朝歌城在滑縣西南七

十里

黎

同上閼與章請內焦黎牛狐之城以易蘭離石祁於秦

原注東郡有黎卽黎陽恩澤案黎有四一在今山西

安府壺關縣黎本國也郡國志上黨郡壺關有黎亭故

黎國是

注云文王戡黎卽此按路史謂文王所
戡之黎史記作洹卽伊耆之耆與此異

一在今

黎城縣晉所重立之黎國也郡國志潞縣東北十八里

故黎國是

隋志括地志明
統志並主此說

一在今山東曹州府鄆城縣

黎侯寓衛地也地理志東郡有黎縣是一在今河南衛

輝府濬縣地理志魏郡有黎陽縣是此以焦黎並稱當

在黎陽

鮑以東郡之黎
卽黎陽也

晉灼曰黎山在其南河水逕其

北其山上碑云縣取山之名取水之陽以爲名也水經

注今黎山東北故城蓋黎陽縣之故城也元和志其城

本春秋時衛之新築 錢坫曰武微泥中毛云邑名當
在其處今按水經注魏濮陽郡治土地汙下城居小阜
疑卽泥中在今開州南開州之西南卽濬縣之東北然
非一地

牛狐之城

見上原注地缺 恩澤案漢志東郡有離狐縣在今曹州

與黎相近未知是否

河內

見上朝歌下原注 見秦策屬司隸正曰正義云卽懷州也
在南河之北西河之東東河之西 恩澤案河內有指懷

慶言者地理志河內郡懷縣蔡曰河內是也有指衛輝
言者左傳銳師伐河內杜注今河內汲郡是也有指彰
德言者史記史起引漳水溉鄴以富魏之河內索隱大
河在鄴東故名鄴爲河內是也此河內與鄴連文蓋指
彰德言其實大河以北凡三府之地皆河內也

修武

見上邯鄲下高注修武趙邑今屬河內鮑同恩澤案漢

志河內郡有修武縣本商之寧邑韓詩外傳武王伐紂
勒兵於寧改名修武韓非子秦昭王越趙長平而攻修
武修武之名矣久矣應劭謂秦始皇更名徐廣王非是

今爲懷慶府修武縣 郡國志又有小修武聚晉灼曰
在縣東南十五里今名北修武故城在縣北

李下

韓非子作字下

同下邯鄲章軍乃引退并於李下高注在河內鮑注趙
封李同之父於此 恩澤案郡國志河內平樂縣有李城

水經注秦攻趙邯鄲傳舍吏子李同帥其徒赴秦軍秦

軍退同死封其父爲李侯

見平原君列傳

卽此城也於城西南

爲陂水淹地百許頃蒹葭萑葦生焉號曰李陂今在懷

慶府溫縣

正義曰懷州溫縣本李城也李同父所封衛煬帝從故溫城移縣於此

然謂李

下卽此尙未可信

河外

見上東陽下又本策張儀爲秦連橫說趙王曰章歐韓
魏而軍於河外原注漳沱河之外正曰卽清河補曰正
義云謂鄭滑州北臨河思澤案兩河外自是兩地見秦
策者與齊隣當是清河或漳滏等河見本策者與韓魏
隣則大河也凡河南懷衛等處屬趙地者皆是見一東
境一南境也

焦姚云一作應

見上黎下原注宏農郡有焦城恩澤案漢志宏農陝縣
故虢國有焦城故焦國水經注上陽號大城中有小城

古焦國也惟謂神農之後則不然左傳焦姬姓括地志
陝縣有故焦城周同姓國也路史注召公子譙侯之舊
國故城在陝州東北百步則此焦乃姬姓確有明據蓋
古焦國有二神農之後路史以為黃帝後蓋誤在譙郡譙焦古通今為
安徽亳州若此則姬姓也正義謂先封神農之後後封姬姓非是今陝州
南釋地辨證作東北二里有焦城因焦水為名與曲沃相近

什

同上句注意反三公什清于趙原注張儀塞什谷之口

當屯留之道則什近屯留恩澤案史記張儀列傳塞什

今本作谷之口郡國志注引徐廣曰一作尋成皋鞏縣
斜蓋誤

有尋口水經注洛水入河之處清濁異流亦名什谷元
和志洛水東經洛汭北對琅邪渚入河謂之洛口亦名
什谷張儀所云卽此今鞏縣北有鄰谷水亦謂之什谷
但什谷原未必卽此章之什而以爲近屯留亦誤屯留
距鞏縣四五百里中隔懷澤不可云近

清

見上原注後志中牟注有清口水趙地也

恩澤

案郡國志

河南尹中牟縣有清口水卽左傳閔二年鄭人爲之賦
清人也但此中牟非趙之中牟前人已有成說而以爲
趙地恐未可信

三公

徐廣曰一作王公

見上原注公字疑誤安定有三水朔方有三封勃海有

三戶皆近趙

恩澤

案郭仲產言宛城南三十里有三公

城

寰宇記載此說

魏取地形志范陽郡固安縣有三公臺此固

非趙地

且係後世事

水經注引王隱晉書地道記趙國元氏

縣有三公山則趙地也然亦未知是否

此句史作反

至分先俞於趙正義至分即陘山先俞即西脢也

正義西先

音古同

其說本不可曉姑附列於此

望諸

燕策昌國君樂毅章趙封以爲望諸君原注史趙封毅

以觀津號望諸君索隱云望諸澤名在齊蓋趙有之故

號焉

恩澤

案職方氏青州澤曰望諸禹貢作孟豬地理

志梁國

易祓引作浦都非是

睢陽盟諸澤在東北

呂覽注作東南非是

或謂

之孟都

亦曰孟諸

史記作明都詩譜作明豬其實一也呂氏

春秋天下九藪孟諸其一卽此元和志望諸澤周迴五

十里在宋州虞城縣西北十里寰宇記虞城孟諸澤俗

呼爲湄台蓋澤中有台也

胡渭曰爾雅水草交曰麋麋古湄字台蓋以孟諸之麋得名

胡三省曰望諸本齊地毅自齊奔趙趙人以此號之

本其所從來也今爲河南歸德府虞城縣

爾雅正義作商邱縣江永

曰今商邱虞城屢被河決故述無存

蓋本宋地而齊取之趙輔燕破齊或

者分得其地亦未可知其實穀所封地在觀津望諸等
其號耳非地也似與望諸澤無涉

伊是鮑作氏

齊策國子曰章齊取淄鼠魏取伊是高注伊是趙邑鮑

註地缺恩澤案地理志梁國有已氏縣郡國志屬濟陰

郡晉志屬濟陽郡注引皇覽曰有平和水經注鄉鄉有伊尹冢

崔駰曰殷帝沃丁之時伊尹卒葬于薄卽此豈卽此所

云伊是是氏古通地理志至元孫氏爲莊公師古曰是與氏同古通用字又見後漢書李雲傳注歟

外惟上黨郡有猗氏縣晉改爲寄氏或以音近而訛

淄鼠

見上高注趙邑鮑注地缺今無考

許

韓策秦國宜陽章公何不與趙蘭離石和以質許地原
注許韓地趙嘗取之質易地也正曰蘭離石和不聞屬
韓許亦與趙遠恐有缺文以質許地者質音贊子而許之
地也恩澤案燕策云秦欲攻韓下云已得宜陽少曲致

蘭離石則蘭離石屬韓策有明文不可云未聞是時趙
地南至河外距許亦不甚相遠或嘗取之亦未可定故
仍主鮑說而列其地於此詳見韓魏

葉陽

魏策葉陽君約魏章原注趙人惠文十三年云封李兌則葉陽君兌之封乎補曰葉卽奉之訛恩澤案葉陽非趙地當以舊說爲是

濟東三城

本策燕封宋人榮蚩高陽君章趙王因割濟東三城合

原作盧高唐平原陵地城市邑五十七命以與齊恩澤

案三城今俱屬濟南府其實皆在濟北

長清今在濟南然古稱濟北盧

縣疑水道更變而曰濟東者趙自濟西觀之則皆在濟水之東

也

盧

見上原注屬泰山

恩澤

案左傳尋盧之盟杜注盧齊地

今濟北盧縣地理志泰山郡有盧縣

淮南王傳云國除為北安縣則其始

不名

郡國志屬濟北國寰宇記故城在長清縣南十五

里顧祖禹曰今在濟南府長清縣西南二十五里

錢坫作二

里戰國時謂之博陽以在博關南也

洪亮吉曰今沂水縣西南亦有廢盧

縣蓋又一地

高唐

見上原注屬平原

恩澤

案漢志平原郡有高唐縣杜預

曰在祝阿縣西北寰宇記在禹城縣南五十里

路史同又云在

章邱非是

今在濟南府禹城縣西南

一作北疑誤

四十里

洪亮吉日高唐

故邑在今縣南漢縣在今卽齊威王使盼子所守之地
縣西二地雖殊界實相近

趙肅侯六年拔之

見史記

其在章邱者乃高齊

天保七年

所置

今之高唐州則漢靈縣故地也

平原

見上原注屬青州案見秦

東武城

本策秦攻趙章君無覆軍殺將之功而封以東武城

恩

澤

案地理志清河郡

郡國志作清河國

有東武城縣正義貝州

武城縣外城七國時趙邑寰宇記蓋以定襄有武城同

屬趙故此加東也

錢坫曰東海郡南成卽南武城也故此云東按此說非是魯自有東武城

在今費縣晉太康年去東字
今地志俱云今山東臨清

州武城縣西十里有東武城故城即平原君封邑也與

紀要謂在直隸清河縣蓋地相接也

易城

秦策濮陽人呂不韋章秦子異人質於趙處於易城高

注趙邑鮑注地缺補曰字書無易字龍龕手鑑云音脚

恩澤案策札黃不烈著史記呂不韋傳正義引此作聊則當

為今東昌府聊城縣但今正義本仍作易豈據國策改

之耶

乘邱

魏策楚許魏六城章齊遂伐趙取乘邱原注屬泰山補

曰正義云乘邱故城在兗州瑕原作邱縣西北 恩澤案

泰山郡之乘邱在今兗州府濰陽縣西北十里乃春秋魯敗宋師處非

趙之乘邱也趙乘邱在今曹州府曹縣東北五十里郡

國志濟陰郡乘氏侯國高士奇曰此國策所云趙乘邱

也以下云虛頓邱危推之其說確不可易若在滋陽則

遠不相涉矣應劭地理風俗記以濟陰乘氏為宋邑博

乘邱在太山郡亦非

廬陵

本策馮忌為廬陵君謂趙王曰章原注孝成母弟見趙

記今無考

長安

本策趙太后新用事章必以長安君爲質原注索隱云
趙亦有長安今地缺按趙世家封長安君以饒正義云
卽饒陽也明長安是號恩澤案正義又云以長安善故
名此條本可不錄因索隱以爲地名故載之

負親之邱

本策張孟談旣固趙宗章而耕於負親之邱原注趙地
缺今無考

華屋

同上武安章見說趙王於華屋之下高注華夏華屋

劉錢

作屋
夏屋

華山名言趙王屋清高似山也鮑注華高麗也

恩

澤案夏屋山名一名賈屋在今山西代州東北六十里

與句注相連趙世家襄子嘗北登夏屋竊疑肅侯或遊
於此故燕秦自燕聞之由宣化大同而來見於此山之

下也

華夏賈並
聲相近

玩策文摩燕鳥集闕句可見

又今直

隸完縣有夏屋城水經注蒲水又東流逕夏屋故城實
中險絕是也然此乃燕地見竹書紀年

鑿臺

同上榆次章殺智伯瑤于鑿臺之上高注晉陽下臺名

鑿地作渠以灌晉陽城因聚土爲臺而止其上故曰鑿

臺鮑注在榆次

恩澤

案郡國志太原郡榆次縣有鑿臺

卽鑿臺也

新序引作
叢臺疑誤

水經注榆次縣洞過水側有鑿臺

智伯瑤刳腹絕腸折頸摺頤之處在今榆次縣南

或作西

四十里

訃門

同上平原津章趨甚疾出訃門也原注元作訃改作謠

別

恩澤

案文選東京賦注謠門冰室門也段玉裁曰謠

門卽宣陽門也門內有宣陽冰室故名說文周景王作

洛陽謠臺蓋謂謠門之臺也謠者謠之或體亦侈大之

意晉書載記劉曜傳諺門且空註謂別門也陸雲與兄書曹公有諺堂唐書韋宏機傳列岸諺廊且王城外然則諺門當是別門之侈大者其曰冰室門則專就洛陽言耳字彙補訃與諺同高本作諺疑誤

九門

史記正義索隱後漢書注並引戰國策東城九門本有宮室以居趙武靈王改爲九門

恩澤

案漢志常山郡有

九門縣趙世家惠文王二十八年罷城九門大城正義

恒州九門縣城也寰宇記鎮州東三十里有九門縣今

在正定府藁城縣西北二十五里

劉昭注引國策云礪石山在縣界今無

大陵

春秋後語引戰國策武靈王游大陵夢處女鼓瑟恩澤

案趙世家武靈王十六年游大陵夢處女鼓瑟而歌卽

此是也疑是誤引漢志太原郡有大陵縣徐廣曰一作陸水經注云

呂氏春秋謂之大陸又名之曰嘔夷之澤俗謂之郛城

泊括地志大陵城在并州文水縣北元和志作東北十三里今

在太原府文水縣東北二十里或作二十五里卽左傳晉祁氏

平陵城也